


2860

ՀԱՄԱՌՈՏ ՏԵՂԵԿԱԳԻՐ

Կաթուղիկէ ս. Աստուածածին (ս. Դէորգ) եկեղ.
ծխական Հոգաբարձութեան միամեայ գոր-
ծունէութեան

1913 թ.

— ԵԿԵՂԵՑՈՒ ԵՒ ԴՊՐՈՑԻ ՎԵՐԱԲԵԸԵԱԼ —



Թ Ի Ֆ Լ Ի Ս

Տպարան Բ. Կիլաձէ, Վելիամինովսկայա փող. № 6

1914

14420

Տ Ե Ղ Ե Կ Ա Գ Ի Ր

Կաթուղիկէ ա. Աստածածին (Մէլլանի ա. Գէորգ) եկեղ. հոգաբարձութեան—եկեղեցու 1913 թ. սննստակա՛ն եւ ծխական դպրոցի 1913/14 ուս. տ. ուսումնական դրու-
թեան մասին

14420

Հոգաբարձութեանս կազմը՝ բաղկացած հ. Աշոտ քահ. Թէմուրազեանից, իշխ. Սարգիս Արղութեան-Ներկայնաբա-
զուկից, պ. պ. Աբգար Աբուլեանից (Երէցփոխ), Աբգար Յովհաննիսեանից և վարդան Միրզոյեանից՝ ընտրուեց 1913 թ. յունիսի 16-ին կայացած ծխական ժողովում և նոյն ամսի 22-ին հաստատուելով իր պաշտօնում թեմակալ առաջ-
նորդի կողմից՝ ունեցաւ իր առաջին ժողովը։ Հոգաբար-
ձութիւնս իր առաջին ժողովներէից հարկ համարեց ծանո-
թանալ իրեն՝ խնամքին յանձնուած եկեղեցու գոյքերի և
ծխական դպրոցի ուսումնական-տնտեսական դրութեան հետ,
որոնց մասին տրւում է ներկայ գեղեցումը։

1. ԵԿԵՂԵՑԻ.—Նախորդ հոգաբարձութիւնից նորընտիր
կազմիս ձեռքը չանցաւ ոչ մի գրաւոր տեղեկագիր թէ
եկեղեցու և թէ դպրոցի տնտեսական և վերջինիս նաև
ուսումնական դրութեան մասին։ Բարեբաղդաբար նախորդ
կազմից վերընտրուելով երէցփոխան պ. Աբգար Աբուլեանը,
հոգաբարձութիւնս հնարաւորութիւն ունէր առաջ եկող
զանազան խնդիրների մասին գոնէ բանաւոր տեղեկութիւն
ստանալ երէցփոխան պ. Աբուլեանից։ Պարզեց, որ եկե-
ղեցին լուրջ վերանորոգութեան կարիք ունի։ Եկեղեցա-
պատկան շէնքերը՝ թէ եկեղեցու բակի և թէ Սայեադո-
վսկայեա փողոցի՝ (մանաւանդ վերջինս) քայքայուած դրու-
թեան մէջ էին, որի պատճառով և համեմատաբար պակաս
արդիւնք էր ստացուում այդ շէնքերից։ Չը կար նախահաշիւ,

որով հոգաբարձութիւնս ղեկավարէր և կարևոր վերանորոգութիւններ կատարելով հնար լինէր եկամուտն աւելացնել: Օգոստոսի վերջերից հոգաբարձութիւնս մի շարք ժողովներ ունեցաւ այդպիսի նախահաշիւ կազմելու նպատակով. սակայն եկաւ այն եզրակացութեան, որ առանց նախապէս ծանօթանալու եկեղեցու նախորդ տարիների ել և մտից հաշիւներին, անկարելի է նախահաշիւ կազմել: Ուստի նախահաշիւ հարցը յետաձգեց մինչև այդ հաշիւմատեաններն յետ ստանալը կոնսիստորիայից. ահա այս հիման վրայ անցեալ 1913 թ. հոգաբարձութիւնս գործել է առանց ծխական ժողովից հաստատուած նախահաշիւ: Մինչ այդ հոգաբարձութիւնս խորհրդակցութիւն է ունեցել մասնագէտ ճարտարապետների հետ եկեղեցու անհրաժեշտ վերանորոգութեան առթիւ (խոնաւութեան առաջնաւնեւում մասին), կազմել է այդ առթիւ նախահաշիւ, սակայն յետաձգել է դրա իրագործումը՝ նախահաշիւը ծխական ժողովից հաստատուած չը լինելու պատճառով: Խորհրդակցութիւն է ունեցել և եկեղեցու ընդհանուր վերանորոգութեան մասին եկեղեցւոյ միաբանութեան մասնակցութեամբ, կազմել է 13 կէտից բաղկացած անհրաժեշտ նորոգութիւնների նախագիծ, որի իրագործման համար բաւական խոշոր գումար է պէտք, և որը դարձեալ վերոյիշեալ պատճառով անիրագործելի է մնացել:

Սայեադովսկայա փողոցում գտնուող եկեղեցապատկան տունը քայքայուած դրութեան մէջ է և հիմնովին վերանորոգութեան կարօտ. հոգաբարձութիւնս յարմար է դատում ծախել այդ տունը և փոխարէնը գնել եկեղեցու բակին կից գտնուող Զանշեանների շէնքը:

Վերոյիշեալ անհրաժեշտ խոշոր ծախքերի համար եկեղեցին առձեռն դրամ չունէր, մինչ այդ, նա տարիները շարունակ, ունեցել է կարևոր վերաշինութիւնների համար խոշոր կարիքներ: Բացի այդ, մեր եկեղեցին Հաւաքարի Ձորաբաշի ս. Գէորգ եկեղեցուն տարիներ առաջ փոխարինարար տւած է եղել հինգհարիւր ըուրլի, որի մասին հո-

գաբարձութեանս ձեռքը ոչ մի գրաւոր թուղթ չէ անցել և հոգաբարձութիւնս հիմնւելով պ. Երէցփոխանի բանաւոր տեղեկութեան վրայ՝ ղիմել է կոնսիստորիա, այդ գումարը յետ ստանալու, որ և ստացւել է:

Եկեղեցին չունենալով գրաւոր գործավարութիւն, գրաւոր տեղեկազրեր, որից կարելի լինէր իմանալ եկեղեցու ստանալիքների և ապառակիքների մասին, ստիպւած է եղել հիմնւել Երէցփոխան պ. Աբուլեանի բերանացի տեղեկութիւնների վրայ:

Գործավարութեան այդ եղանակը եկեղեցու տնտեսական դրութեան վերաբերմամբ անցեալում խոշոր չափով ազդել է և հոգաբարձութիւնս հենց առաջին օրից մտցրել է կանոնաւոր գործավարութիւն—ինչպէս նաև հերթակալ հոգաբարձութեան սխաւում:

Հոգաբարձութեանս կազմը տարւայ սկզբին բաղկացած էր հինգ հոգուց. 1. Աշոտ քահ. Թէմուրազեան, 2. Իշխան Սարգիս Արղութեան-Երկայնաբաղուկ, 3. Երեցփոխան Աբգար Աբուլեան, 4. Աբգար Յովհաննիսեան, 5. Վարդան Միրզոյեան: Հոգաբարձութեանս անդրանիկ ժողովում նախագահ ընարւեց Աշ. քահ. Թէմուրազեան, գանձապահ՝ պ. Աբգար Աբուլեան: Քարտուղարութիւնը ու գործավարութիւնը յանձնեց դպրոցիս աւագ ուսուցիչ պ. Յակ. Աղաբաբին:

Յաւօք սրտի պէտք է ասել, որ 1913 թւի սեպտեմբերի 4-ից դադարել են հոգաբարձութեանս նիստերին մասնակցել Աշոտ քահ. Թէմուրազեանը՝ գրաւոր հրաժարական ներկայացնելով գերապատիւ թեմական առաջնորդին, և պ. Վարդան Միրզոյեանը նոյնպէս չէ յաճախել հոգաբարձութեանս նիստերին սեպտեմբերի 7-ից՝ քաղաքիցս բացակայելու պատճառով. այնպէս, որ ամբողջ տարին հոգաբարձութեանս կազմը բաղկացած է եղել երեք անդամից.—նախագահութիւն է արել հոգաբարձութեանս փոխ-նախագահ պայծ. Իշխան Ս. Արղութեան-Երկայնաբաղուկը:

Հոգաբարձութիւնից հրաժարւած հ. Աշոտ քահ. Թէմուրագեանի և ամբողջ տարին քաղաքիցս բացակայած պ. Վարդ. Միրզայեանի փոխարէն նոր հոգաբարձուներ ընտրելու վերաբերմամբ հոգաբարձութիւնս ստացել է հոգեւոր իշխանութիւնից գրաւոր հրահանգ նոր ընտրութիւն կատարելու այսօրւան ծխական ժողովում:

Եկեղեցու վերաբերմամբ պէտք է ասել, որ լինելով Թիֆլիսի հինաւուրց և յայտնի եկեղեցիներից աւագը՝ ունի թէ ծխականների ահագին բազմութիւն և թէ ջերմեռանդ ուխտաւորների ահագին թիւ, սակայն ցայսօր գտնուում է ներկայ անմխիթար վիճակի մէջ: Ըստ երևոյթին շատերը նկատել են իր ժամանակին ս. Գէորգ եկեղեցու կարիքները և անուշադիր թողել. սակայն այսօր, այստեղ հաւաքւած ծխական յարգելի ժողովը իր կտրական խօսքը պէտք է ասէ՝ մանաւանդ եկեղեցու խոնաւութեան դէմն առնելու մասին, որի համար նոյնիսկ հոգաբարձութիւնս յատուկ խորհրդակցութիւններ է ունեցել և նախահաշիւ պատրաստել տւել ճարտարապետի ձեռքով:

II. ԴՊՐՈՅ.—Հոգաբարձութեանս գլխաւոր հոգսերից մէկն էլ եղել է իր խնամքին յանձնւած դպրոցը:

1912/13 ուսում. տ. դպրոցը ունեցել է II և III պատրաստականներ՝ ընդամենը՝ 50 աշակերտով, որի համար ծախսել է 2198 ռ. 26 կ. (ռոճիկ և այլ ծախսեր):

Հոգաբարձութիւնս թեմական տեսուչ՝ պ. Յով. Տէր-Միրաքեանի գրաւոր դիտողութիւններից (1913 թ. յունւարի 4), տեղեկանում է դպրոցի ուսումնական վիճակի մասին: Թեմական տեսուչը իր դիտողութիւնների մէջ առաջարկել էր ս. Գէորգի հոգաբարձութեան, որ եկող տարւանից՝ հարեան թաղում գտնուող ս. Սարգսի եկեղեցու հոգաբարձութեան հետ համաձայնութեան գալով՝ աշխատեն այդ երկու դպրոցներում ծրագրային կապ և դասարանների յաջորդականութիւն ստեղծելով ունենալ գէթ չորսամեայ դասընթացով մի կանոնաւոր դպրոց, որովհետեւ երեւուն և կցկտուր դասարանները, որպիսիք պահ-

ւելիս են եղել ս. Սարգսի և ս. Գէորգի դպրոցներում, ահագին ծախք են կլանում և չեն ծառայում իրենց բուն նպատակին:

Բացի թեմական տեսչից, թեմիս առաջնորդ գերապատիւ Մեսրոպը եպիսկոպոսն էլ այցելելով յիշեալ դպրոցները, նոյնպէս գտել էր թեմական տեսչի դիտողութիւնը միանգամայն նպատակայարմար, այն նկատուածով, որ այդ երկու դպրոցները գտնւելով երկու միմեանց կից թաղերում հեշտութեամբ կարելի կը լինէր միմեանց յաջորդող դասարաններ պահել:

Երբ հոգաբարձութիւնս ընտրւեց, նրա առաջին նպատակն եղաւ ծանօթանալ իր խնամքին յանձնւած դպրոցի դրութեան հետ և քննութեան առնել յիշեալ երկու պաշտօնական անձանց կարիքները: Հոգաբարձութեան խորհրդակցութիւնն (որին մասնակցում էին Աշ. ք. Թէմուրագեան, իշ. Ս. Արղութեան-Երկայնաբազուկ, Աբգ. Յովհաննիսեան և Աբգ. Աբուլեան (Միրզայեանը քաղաքից բացակայ էր) եկաւ այն եզրակացութեան, որ վերոյիշեալ երկու դպրոցների մէջ ծրագրային կապ և դասարանների յաջորդականութիւն ստեղծելը՝ ոչ միայն ֆեաւաւար չէ ուսման գործի համար, այլ և խորապէս համոզւեց, որ կատարւող ծախքերի դիմաց՝ կանոնաւոր դպրոց ունենալն իւրաքանչիւր ծխականի սրտին մօտ կը լինի անպայման:

Ահա այս տեսակէտով, հոգաբարձութիւնս, իր ամբողջ կազմով, բանակցութեան մէջ մտաւ ս. Սարգսի դպրոցի հոգաբարձութեան հետ, որ նա ունենալով իր դպրոցը, պահէ այնպիսի դասարաններ, որոնք ս. Գէորգ դպրոցի դասարանների հետ փոխադարձ յաջորդականութիւն ու շարունակութիւն ունենան:

Յիշեալ բանակցութիւնը կատարւեց 1913 թւի յունիսի 23-ին, թեմիս ս. առաջնորդի նախագահութեամբ: Այդ ժողովը կարծիքների փոխանակութիւնից յետոյ միաձայն որոշեց.—

1. Միացնել յիշեալ երկու դպրոցները միմեանց յաջորդող դասարաններով:

2. Այդ դպրոցներն առայժմ ունենալու են՝ Ա., Բ., Գ. և Դ. բաժանմունքներ, որոնցից երկուսը ս. Գէորգի և երկուսը՝ ս. Սարգսի գաւթում:

3. Դպրոցներն ունենալու են մի ուսուցչական խումբ, մի աւագ ուսուցչով, որոնք աւանդելու են երկու դպրոցներում եղած առարկաները:

4. Իւրաքանչիւր հոգաբարձութիւն հոգում է իր դպրոցի բաժանմունքների ծախքերը, (իբրև առանձին-առանձին եկեղեցիների հոգաբարձութիւններ), իսկ դպրոցների վերաբերեալ ընդհանուր ծախքերը բաժանում են հաւասար և հոգում են երկու հոգաբարձական կազմերը. (օրինակ՝ աւ. ուս. դպրոցական բժշկի և այն)...

Ահա այն տեսակէտները, որոնց հիման վրայ, հոգաբարձութիւնս պահելով իր խնամքին յանձնած դպրոցն իր եկեղ. գաւթում, սահմանել է ս. Սարգսի դպրոցի հետ այնպիսի ծրագրային կապ ու դասարանների յաջորդականութիւն, որը անհրաժեշտօրէն ցանկալի էր մեր բոլոր դպրոցների համար:

Այս հիման վրայ հոգաբարձութիւնս այս 1913—1914 ուս. տ. բացել է ոչ միայն երկու բաժանմունք, ինչպէս եղել է անցեալ տարի, այլ և՛ ընդառաջ գնալով բազմաթիւ խնդրատուների ցանկութեանը, անհրաժեշտ է համարել բանալ երեք բաժանմունք: Բանալով երեք բաժանմունք՝ հոգաբարձութիւնս ի նկատի է ունեցել հետևեալ պարզ հաշիւը:

Ինչպէս ասացինք, անցեալ 1912 — 13 ուսում. թ. ս. Գէորգի դպրոցն ունեցել է երկու բաժանմունք, ընդամենը՝ 50 աշակերտով, որի համար ծախսել է՝ 2,198 ռ. 26 կ. (ռոճիկ, թեմական տեսչին և այլ ծախքեր): Բաժանելով 2,198 ռ. 26 կ. յիսուն աշակերտի վրայ՝ մի աշակերտը դպրոցին նստել է՝ 43 ռ. 96 կ.:

Ներկայ 1913—1914 ուս. թ. ս. Գէորգի դպրոցն ունի

երեք բաժանմունք և ընդամենը 130 աշակերտ, որի համար ծախսելու է մօտ 3,282 ռ. 50 կ. (ռոճիկ, զբքեր, դպրոցական պիտոյքներ, զրադարան և այլն): Բաժանելով 3,282 ռ. 50 կ. հարիւր երեսուն աշակերտի վրայ՝ մի աշակերտը դպրոցին նստել է 25 ռ. 25 կ.:

Անցնող տարին այս տարւայ հետ համեմատած՝ տեսնում ենք, որ անցեալ տարում իւրաքանչիւր աշակերտի համար դպրոցը աւելորդ ծախս է ունեցել 18 ռ. 71 կ. (43 ռ. 96 կ. — 25 ռ. 25 կ. = 18 ռ. 71 կ.):

Այս հաշուով անցեալ տարի 50 աշակերտի համար ծախսել է (50 × 18 ռ. 71 կ.) 935 ռ. 50 կոպ. աւելի: Մի գումար, որով հենց մինչև 40 աշակերտ աւելի կարելի էր պահել, եթէ դասարանները յաջորդող և լրիւ լինեն: Հոգաբարձութիւնս ի նկատի առնելով ահա այս հանգամանքը որոշեց սեպտեմբերից բանալ դպրոցն երեք բաժանմունքով:

Անցեալ տարի, սեպտեմբերի 7-ին, առաջնորդարանում, ս. առաջնորդի նախագահութեամբ կայացած հոգաբարձութեան ժողովում, հոգաբարձութիւնս յայտնեց իր յիշեալ որոշումը, որն և հաւանութիւն գտաւ ս. առաջնորդի կողմից:

19¹³/₁₄ ուսում. թ. ին հոգաբարձութիւնս ունեցել է ս. Սարգսի եկեղ. հոգաբարձութեան հետ խառն ժողովներ երկու դպրոցների մէջ ծրագրային կապ և դասարանների յաջորդականութիւն ստեղծելու մասին, նաև զբաղւել է դպրոցական ընդհանուր ընոյթ ունեցող այլ խնդիրների վերաբերմամբ: Այդ ժողովներից մի քանիսին նախագահել է նոյն իսկ սրբազան առաջնորդը: Որոշ ժողովների համար հոգաբարձութիւնս ունեցել է հերթական նախագահութիւն: Դպրոցներին վերաբերեալ մասնաւոր խնդիրները խորհրդակցութեան առարկայ են դարձել առանձին-առանձին հոգաբարձական ժողովներում: Տարւայ սկզբից հոգաբարձութիւնս ունեցել է 22 առանձին նիստ և 12 հո-

զաբարձական խառը նիստեր ս. Սարգսի դպրոցի հոգաբարձութեան հետ:

Հոգաբարձութիւնս իր ոյժերը ներածին չափ աշխատել է դպրոցի ուսումնական գործը կանոնաւոր հողի վրայ դնել. ինչպէս օրինակ.—

1. Դպրոցի բոլոր աշակերտներին տարւայ սկզբից անխտիր բաժանել է դասագրքեր և ուսումնական պիտոյքներ. նոյնն արել է ամբողջ ուսումնական տարւայ ընթացքում:

2. Զրիավարժների քանակը հասցրել է 40-ի, որը հաւանաբար դարձեալ շատանալու է:

3. Հոկտեմբեր ամսից հրաւիրել է դպրոցական բժիշկ և աշակերտներին ձրիաբար բժշկական օգնութիւն է հասցրել.— հայթայթելով նաև դեղօրայքը:

4. Աւագ-ուսուցչի ջանքերով բարեգործական ճաշարաններում հնար եղածին չափ շատ աշակերտներ է գետեղել ձրիաբար ճաշելու:

5. Ծանդեան տօներին մօտ 40 հոգու հագուստեղէն է բաժանւել (մեծ մասամբ նւիրաբերած):

6. Դիմել է բաղանիքների կապալառու պ. Շալամեանցին և թոյլտուութիւն է ստացել ամսական 30 աշակերտի ձրիապէս լողանալու: Հոգաբարձութիւնս պարտք է համարում իր անհուն շնորհակալութիւնը յայտնել թէ նւիրատուներին և թէ պ. Շալամեանին: Այժմ հոգաբարձութիւնս միջոցներ է ձեռք առնում, որ կարողանայ առաջիկայ ուսումնական տարւանից գէթ չքաւոր աշակերտներին նախաճաշիկ տալ դպրոցում:

Այսքանից յետոյ՝ հոգաբարձութիւնս հիմնած իր միամեայ դիտողութիւնների վրայ, այլ և ի նկատի առնելով դպրոցի աւագ-ուսուցչի տւած գեկուցումը, անհրաժեշտ է համարում ծխական ժողովից առաջ պարզելու այն առաւելութիւնները, որն ունեցել են մեր միացեալ երկու դպրոցներն այս տարի և ունենալու են մանաւանդ այսուհետև:

Ա.— Փաստ է, որ մեր ծխական դպրոցներում աշակերտում են չքաւոր դասակարգի երեխաներ, որոնք մեծ մասամբ հնարաւորութիւն չունենալով ուսում շարունակելու աւելի բարձր դպրոցներում,— կեանք են մտնում ուսման տարրական պաշարով: Ահա մեր միացեալ դպրոցները հնարաւորութիւն են տալիս մեր աշակերտութեանը այսուհետև կեանք մտնել հինգ կամ վեց ամեայ կրթութիւն ստանալուց յետոյ, մանաւանդ տղաները, որոնց համար Թիֆլիսում ոչ մի ծխական դպրոց՝ նիւթականի սղութեան պատճառով՝ չունի երրորդից բարձր պատրաստական:

Բ.— Միացեալ դպրոցներում ուսուցիչները հնարաւորութիւն կունենան իրենց սկսած այս կամ այն առարկան աւանդելու մինչև դպրոցի վերջին դասարանը ըստ ծրագրի և մի ամբողջացում տալ աշակերտութեանը, որի արդիւնքն այն կը լինի, որ նախ՝ աւարտող աշակերտը՝ իր կորցրած տարիքի դիմաց կը ստանայ տարրական լրիւ կրթութիւն և երկրորդ՝ որ դպրոցը, իր ծախսած գումարի դիմաց՝ աշակերտութեանը կը տայ իր ծրագրի իսկական պահանջներին համապատասխան կրթութիւն: Այլապէս՝ զուր կանցնեն թէ աշակերտի աշխատանքը և թէ դպրոցի ծախսած գումարները:

Գ.— Միացեալ դպրոցը հնարաւորութիւն ունենալով պահելու 5—6 տարւայ դասընթացքով մի դպրոց՝ իր միանգամ ընդունած աշակերտին պահում և կրթում է իր յարկի տակ 5—6 տարի շարունակ և այսպիսով ազատում է նրան ամեն տարի այս ու այն դպրոցի դուռը բաղիւնուց, երբ շատ անգամ նա բախտ չէ ունենում տեղաւորւելու մի որեւէ դպրոցում ու մնում է կամ փողոցներում թափառելիս և կամ դիմում է օտար դպրոց:

Դ.— Այսպիսով միացեալ դպրոցի վերջին դասարանն աւարտող աշակերտը հնարաւորութիւն կունենայ հեշտութեամբ տեղ գտնելու Ներսիսեան դպրոցի II և III դասարանում, աշակերտուհին Յովնանեան և կամ Գայիանեան

դպրոցի նոյն դասարաններում, իսկ ուսումը լրացնել չը
ցանկացողները դպրոցը թողնելուց յետոյ իրենց հետ կը
տանեն քիչ թէ շատ բաւարար ուսումն, որը կեան-
քի մէջ նրանց կը կարողանայ գոնէ որոշ չափով բաւա-
րարութիւն տալ:

Ե.—Միացեալ դպրոցներն ըստ հարկին ունենալով
ուսուցչական մի մեծ խումբ, մանկավարժական նիստե-
րին դպրոցական հարցերը քննելով են աւելի բազմակող-
մանի կերպով, որն ունի անպայման իր դրական կողմը
թէ աշակերտութեան առաջագիմութեան, թէ կրթական
գործի օգտակարութեան և թէ առհասարակ ուսման կա-
նոնաւորութեանը վերաբերեալ խնդիրներում:

Զ.—Միացեալ դպրոցներն իրենց մնայուն բաժան-
մունքներով վստահութիւն են ներշնչում աշակերտ ունե-
ցող ծնողների և կամ ծխականների մէջ՝ իրենց որդուն
առաջին պարագայից ծխական դպրոց տալու: Հակառակ
այն սովորութեան, որ կասկածելով թէ այս ծխական դպ-
րոցը՝ այս կամ այն դասարանը չունի, իր որդուն շրջեց-
նում է այլ և այլ դպրոցներ, — տեղ չը գտնելու դէպքու-
նում արահատեալ բերում տեղաւորում է ծխակ. դպրոցում:

Ահա այս ու այսպիսի բազմաթիւ փաստեր՝ հոգաբար-
ձութեանս եկան աւելի դրականօրէն համոզելու, որ ամե-
նայն իրաւամբ միացեալ դպրոցներ ունենալը միանգա-
ւայն օգտակար է և բոլորում է մեր ծխական դպրոցների
ծրագրի ոգուց՝ մանաւանդ այնպիսի պարագաներում, երբ՝
մի եկեղեցի հնարաւորութիւն չունի մի կանոնաւոր դպ-
րոց պահելու չորսից — վեցամեայ դասընթացով: Մեր մի
տարւան փորձառութիւնը մեզ աւելի քան համոզեց հոգա-
բարձութեանս կատարած գործի օգտակարութիւնը՝ միաց-
նելով ս. Սարգսի դպրոցը ս. Գէորգի դպրոցի հետ՝ դա-
սարանների յաջորդական կապով և ծրագրային ամբողջա-
ցում ստեղծելով:

Այսօր հոգաբարձութիւնս ի նկատի ունենալով ծխա-
կան դպրոցների վերաբերեալ կանոնադրութիւնը, որով

սահմանւած են 4-ամեայ և 6-ամեայ դասընթացքով դպ-
րոցներ, — ցանկալի է համարում բանալ առաջիկայ ուս-
տարւանից նաև Դ. բաժ. ս. Գէորգի դպրոցում, որի յա-
ջորդական դասարանները երեւի կը տեղաւորեն ս. Սարգ-
սում և կամ հակառակը՝ ս. Գէորգ եկ. բակում կը լինեն
բարձր բաժանմունքները՝ իսկ ս. Սարգսում՝ սկզբնական-
ները:

Այսպէս ուրեմն այժմ 4-ամեայ կանոնաւոր դպրոց
ունենալու և ուսումնական գործը աւելի կանոնաւոր հիմ-
քերի վրայ դնելու համար պարզ է, որ ծախքերը կաւելա-
նան ու եկեղեցին իր ընթացիկ ծախքերի հետ անկարող
կը լինի այդ ծախքերն էլ կատարել:

Հոգաբարձութիւնս միաբանութեանը ժողովի էր հրա-
ւիրել խորհրդակցելու ծխական տուրք սահմանելու մա-
սին սակայն այդ չէ յաջողւել և ահա այսօր այդ խնդիրը
գնում է ծխական ժողովիդ առջև և յոյս ունի, որ դպ-
րոցի բարգաւաճումը իւրաքանչիւր ծխականի սրտին մօտ
լինելով, դրական լուծումնկը ստանայ և օր առաջ գործա-
դրութեան դրելով՝ ս. Գէորգի ծխական դպրոցի բարգա-
ւաճմանն էլ աւելի նպաստած կը լինի:

III. ՈՒՍՈՒՄԸ.—Աւագ-ուսուցչի 1913/14 ուս. թ. դպրո-
ցի ուսումնական գործի մասին կազմած զեկուցագրից քաղ-
ւածօրէն առաջ ենք բերում հետևեալ տեղեկութիւնները:

Դպրոցիս նորեկ աշակերտութեան ընդունելութիւնը
տեւել է մինչև սեպտեմբերի 7 ը. որից պարզւել է, որ
I պատ.—բաժանմունքում աշակերտելու են 43 հոգի, II
պատ.—բաժան.—42 հոգի և III բաժ.—45 հոգի. ընդա-
մենը՝ 130 աշակերտ-աշակերտուհիներ:

Սեպտեմբերի 7-ին ծխականների և ծնողների ներ-
կայութեամբ կատարւել է դպրոցական մաղթանք:
Սեպտեմբերի 8-ից սկսւել է կանոնաւոր սևոււմը:
Սեպտեմբերի 16-ից անխտիր բոլոր աշակերտու-
թեանը բաժանւել է դասագրքեր, ուսումնական պի-
տոյքներ և ուսումնական գործը առաջ է տարւել իր կա-
նոնաւոր ընթացքով:

Սեպտեմբերի 26-ին և 27-ին դպրոցս է այցելել Թեմական տեսուչ Մեծարգոյ պ. Յով. Տէր-Միրաքեանը. երկու օր ներկայ է եղել բոլոր դասերին, արձանագրել է իր դիտողութիւնները և դպրոցի ուսումնական գործը գտնելով իր կանոնաւոր ընթացքի մէջ՝ յայտնել է իր խրախուսանքը:

Ուսումնական գործն իր վերոյիշեալ սկզբնաւորութիւնից յետոյ՝ ամբողջ տարին առաջ է տարւել իր բնական ընթացքով: Իւրաքանչիւր երկամսեակից յետոյ՝ նախ Մանկավարժական խմբի կողմից թէ բանաւոր և թէ գրաւոր տեղեկութիւններ է արւել թոյլ աշակերտների ծնողներին՝ հոգալու իրենց զաւակների պակասութիւնները, ապա՝ կազմակերպել են ծնողական դասախօսութիւններ յատկապէս ընտանեկան դաստիարակութեան, ուսման առաջադիմութեան շուրջը: Դաստիարակչական այդ գրոյցները մեծ համակրանքով են ընդունւել ներկայ եղող ծնողների բազմութեան կողմից:

Ուսման գործի յաջողութեանը նպաստել են նախ՝ դպրոցումս ընդունւած պարտադիր ընթերցանութեան սխստեմը, որ առաջ է տարւել շաբաթական 4 դասով (I բ. 2 դաս, II և III ում մէկ-մէկ դ.) երկրորդ՝ բացօթեայ դասեր, որոնք ըստ հարկին կազմակերպւել են՝ իրազննութիւնից, հայրենագիտութիւնից և բնագիտութիւնից: Երրորդ՝ կրթական նպատակով կազմւած փոքրիկ էքսկուրսիաները, որոնք կատարւել են դէպի քաղաքիս մօտ-շրջակայքները:

Ուսման յառաջադիմութեան նպատակով Մանկավարժ. խորհուրդը տարւայ սկզբից ընդունել է ամսական պարտադիր գրաւորների սխստեմը, որը կատարւել է անխտիր բոլոր դասարաններում՝ հայոց, ռուսաց լեզուներից և թւաբանութիւնից ամեն ամիս՝ դասարանական և կամ ընտանեկան գրաւոր աշխատանքներից զատ: Յիշեալ գրաւորների հետեանքները գրի են առնւել Մանկ. խորհրդի արձանագրութիւններում:

Ուսումնական գործի ղեկավարն եղել է երկու դարձրոցների ուսուցիչ-ուսուցչուհիներից կազմւած Մանկավարժական Խորհուրդը, որը մինչև օրս ունեցել է 19 նիստ՝ նւիրւած ուսման և դաստիարակչական գործի զա-

նազան խնդիրների խորհրդակցութեան: Մանկավարժական խորհրդի ներկայացուցիչն է եղել դպրոցիս աւագ-ուսուցիչը, որն անխտիր հսկել է երկու դպրոցները և կենդանի կապ պահպանել հոգաբարձական մարմինների հետ:

Աւագ-ուսուցիչը ունենալով շաբաթական 16 դաս, օրական դասաւանդել է 2—3 դաս: Ազատ ֆազած օրւայ երկու ժամերին նա՝ նախ լսել է պաշտօնակից ու ուցիչ-ուսուցչուհիների դասերը, ապա հսկել է, որ ի կատար ածեն Մանկավարժ. Խորհրդի որոշումները և երրորդ ընթացք է տւել հոգաբարձութեան այս կամ այն կարգադրութիւնները:

Ուսման գործի յաջողութեանը պակաս զարկ չէ տւել աշակերտների ընթերցանութիւնը: Տարւայ ընթացքում դպրոցի II և III բաժանմունքի աշակերտները՝ նախ յարմարութիւն են ստացել օգտւելու Բարեգործականի և էժանագին գրադարաններից, երկրորդ՝ կանոնաւորելով դպրոցիս մանկական գրադարանը, այնուհետեւ ընթերցանութեան գրքեր են տրւել դպրոցի գրադարանից:

Տարւայ ընթացքում ուսման գործի յաջողութեանը որոշ չափով խոչընդոտ են հանդիսացել նախ՝ դասարանների վառարանների և ապա դասարանական իրերի անյարմարութիւնները, երրորդ՝ կաթողիկէս. Աստուածածին եկեղեցու (ս. Գէորգի) տօները, երբ 4—5 օրով դասարանները դատարկւում են և ուխտաւորներին վարձով տրւում:

Այս տարի, մինչև օրս դպրոցումս եղել է 3 աշակերտական հանդէս, մէկ աշակերտական ներկայացում և մի քանի աշակերտական զբօսանքներ:

Անդամք Հոգաբարձութեան

{	ԻՇԽ. Ս. ԱՐՂՈՒԹԵԱՆ - ԵՐ-
	ԿԱՅՆԱԲԱՆՈՒԿ
	Ա. ՅՈՎՀԱՆՆԵՍԵԱՆ
	Ա. ԱՅՈՒԼԵԱՆՑ

Քարտուղար՝ ՅԱԿ. ԱՂԱԲԱԲ

Հաշիւ Կաթուղիկէ ս. Աստուածածին (ս.

Մ Ո Ւ Տ Ք		Ռ.	Կ.
1	Մնացորդ առ 1-ն յունւարի 1913 թ. կանխ. ղրամով	246	55
2	Մնացորդ առ 1-ն յունւարի 1913 թ. մոմ.	117	75
3	Վաճառած մոմ	3988	87
4	Կիսայրեալ »	551	59
5	Ընթացիկ հաշիւ թիֆլ. II Փոխ. վարկ. ընկ.	821	50
6	Вкладъ № 38 և 342	1300	—
7	Տոկոսներ	76	47
8	Ջրի վաճառումից	20	—
9	Նւէրներ	120	—
10	Մատաղի մորթիք	116	20
11	Բնակարանների վարձ	1734	93
12	Տաբլա	240	80
13	Լուսագին	474	55
14	Նկեղեցական տուփ	23	86
15	Թոշակ աշակ. 19 ¹² / ₁₃ ուս. տ. 200 ր.		
16	» » 19 ¹³ / ₁₄ » » 305,50	505	50
Գումար		10338	57
ԾԱՆՈԹ.—Մնացորդ առ 1-ն յունւարի ս. թ.			
1	Вкладъ № 342 (5 ¹ / ₄ %)	1000	
2	» № 38 (3 ⁰ / ₀)	300	
3	Ընթացիկ հաշիւ 3 ¹ / ₂ %)	500	
4	» » № 638 3 ¹ / ₂ %)	221.50	
5	I Խաղարկ. տոմս. կուպոններով № 93—119.		
6	(գանձում է վիճակ. կոնսիստ. անդ. № 120		

Գէորգ) Եղեղ. 1903 թւի մուտքի և ելքի

Ե Լ Ք		Ռ.	Կ.
1	Թեմ. տեսչին ուճ. 19 ¹² / ₁₃ ուս. տ.	28	14
2	Գործակալին 1913 թ.	40	—
3	Մոմ գնւած	1964	69
4	Գնահատ. տուրք 1910—12 թ. 175.49		
5	» » 1913 թ. 96.12	271	61
6	Զեմակի նալոգ 1912 թ. 23.44		
7	» » 1913 թ. 25.17	48	61
8	Պետական տուրք	45	17
9	Ջուր	77	32
10	Նորոգութիւններ	681	95
11	Ընթացիկ հաշիւ	1100	—
12	Вкладъ	2000	—
13	Ազահովազրական կրակից	27	37
14	» » տոմսի խաղարկ.	27	35
15	Լուսաւորութիւն և վառելիք	67	99
16	Մանր ծաքերը	148	54
17	Անակնկալ 19 ¹² / ₁₃ հոգ. քարտ. Բերինեանին	60	—
18	» » տիրացու Գիրգիդեանին	90	—
19	Շարժական գոյք	9	96
20	Ռոճիկ ծառայողներին	1029	50
21	Ռոճիկ ուսուց. 19 ¹² / ₁₃ ուս. տ. 1560.—		
22	Մանր ծախք 19 ¹² / ₁₃ ուս. տ. 29.58		
23	Ռոճիկ 19 ¹³ / ₁₄ ուս. տ. 960.—		
24	» բժիշկի 25.—		
25	Մանր 87.21	2361	79
ԾԱՆՈԹ.—Առ 1-ն յունւարի 1914 թ.		10079	99
1	Вкладъ № 460 2000.—		
2	Ընթացիկ հաշիւ 1000.—		
3	Մնացորդ մոմով և ղրամով 265.10		
		3265.10	

